



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. XXI. De Aedificatione Molendini & destructione ipsius.

urn:nbn:de:hbz:466:1-11850

*Hermannus de Salza IV. Ord. Tent. Magister Generalis.
Hermannus de Balke I. Magister Provincial. Prusse.*

neo obsessorum violenter expugnaverunt partim hominibus captis, aliis trucidatis; quo facto, Fratres DEO gratias referentes dictum castrum An. Dn. MCCXXXIX. cum suis armigeris inhabitabant, & ibi contra dictos Pruthenos praelia Domini Dei exercituum gloriosius praeliabantur.

ANIMADVERSIONES.

(a) Vid. Animadversiones in Caput proxime præcedens.

(b) Podavv nominatur à Thoma Waisselio pag. 51.

CAP. XX.

De

Obsidione Castri de Balga.

*Hoc eo lem anno
vertit die Ju-
ni in meridie
fuit Ecclipsis
solis maxima ut
etiam stella pos-
sent videri sic
ut in crepusculo.*

Quod cum ad aures Pruthenorum deveniret, Pyopso quidam Pruthenus Capitaneus Warmiensium, congregata omni potentia exercitus sui, dictum Castrum Balgam obsedit, & quia caput fuit aliorum, ipse ut Dux belli præ aliis in praelio se voluit ostentare & appropinquans cujusdam fratris telo percussus in terram decidens exspiravit, de quo facto alii perterriti infecto negotio recesserunt.

CAPUT XXI.

De

*Ædificatione Molendini & destru-
tione ipsius.*

Hoc tempore plures nobiles & potentes Viri de Warmia videntes DEUM pro fratribus pugnare compuncti sunt, & cum

*Hermannus de Saltza IV. Magister Ord. Teut. Gen.
Hermannus de Balke I. Magister Prussia Provincialis.*

cum omni Domo & familia sua se ad fratres de Balga transtulerunt, de quorum adventu fratres confortati, ædificaverunt molendinum extra Pontem Paludis juxta stratum nunc publicam super quodam flumine, & firmantes illud ad modum castri, reliquerunt ibi duos fratres & multos armigeros pro custodia ipsius. Quod castrum Prutheni postea cum valido exercitu obsidentes expugnaverunt & occisis fratribus & armigeris in cinerem redegerunt.

*An. Domini MCCXL.
Cælestinus Papa IV. &
Fridericus II. Imperator regnaverunt.*

C A P. XXII.

De

Religiosa Vita Fratrum de Balga.

Qualis vitæ Puritas quantaque virtus abstinentiæ & quantus rigor regularis fuerit disciplinæ inter fratres de Balga & de aliis castris prædictis, nemo novit, nisi ille, cui omne Cor patet & quem nullum latet secretum. Oratoria nunquam vel raro fuerunt sine Oratore, nec erat angulus in dictis castris, in quo post Completorium & preces matutinas non lateret frater aliquis qui (a) virgis affligeret corpus suum. Ad castrum (b) Engelsberg venerant quidam religiosi Viri, qui dum viderent statum & conversationem fratrum ibidem, quæsiverunt quod esset nomen castri, quibus dum diceretur Engelsberg i. e. quod mons angelorum vocaretur. Responderunt verè nomen habet à re, quia habitatores in eo Angelicam ducunt vitam.

ANIMADVERSIONES.

AD CAP. XXII.

(a) Flagellationem ejusmodi præcis Ethnicis non fuisse incognitam, docemur Exemplo Sacrificulorum Baaliticorum in veteri Fœdere
(1. Reg.